

## PROGRAMA DE PATROCINIOS DE FESTIVALES Y EVENTOS CULTURALES DE SINGULAR INTERÉS, RELEVANCIA Y ESCLUSIVIDAD.

### EL PROYECTO.

La Sociedá Pública de Xestión y Promoción Turística y Cultural del Principáu d'Asturies (d'equí n'adelantre la SPXP), amás de tener la encomienda de xestión de dellos equipamientos culturales, turísticos y deportivos de la rexón, tien ente los sos fines la prestación de toa clas de servicios pa la promoción del sector y actividaes turístiques y culturales del Principáu d'Asturies.

Estos equipamientos ufierten una programación d'actividaes culturales coles mires d'atrayer públicu nuevo y ufiertar propuestas de reconocíu interés y de calidá al públicu recurrente.

La SPXP presenta esta convocatoria de patrocinu como un marcu pa sofitar y reforzar aquellos eventos de calter singular y que poles sos característiques, impactu o relevancia puedan valorase como d'interés especial, entendiendo como talo aquellos eventos que'l so desenvolvimientu temporal seya de 2 díes, polo menos, nos que se desenvuelvan delles actividaes dientro d'un programa propiu del eventu.

Pa cumplir esti oxetivu realiza esta convocatoria cola que se van escoyer un mínimu de 3 actividaes de distinta o igual tipoloxía promovíos por empreses o profesionales de los ámbitos mentaos na convocatoria, y que la so razón social tea asitiada nel Principáu d'Asturies.

Les sedes que van acoyer les actividaes oxetu d'esta convocatoria han ser éstes, pudiendo presentase eventos multi-sede qu'incluyan dalguna localización secundaria esterna a les mentaes de sigúo:

- Llaboral Ciudá de la Cultura (Xixón)
- Muséu del Xurásicu d'Asturies (Colunga)
- Parque de la Prehistoria de Teberga (Teberga)
- Centru d'Arte Rupestre de Tito Bustillo y La Cueva d'Ardines (Ribeseya)
- Centru de Recepción y Interpretación del Prerrománicu Asturianu (Uviéu)
- Muséu Etnográficu de Grandas de Salime "Pepe el Ferreiro" (Grandas de Salime)

### 1.- OXETU DE LA CONVOCATORIA.

L'oxetu d'esta convocatoria ye la selección d'un mínimu de 3 eventos, festivales o proyectos qu'han realizase nes sedes indicaes n'apartáu anterior, en cualquiera de los sos espacios y recintos que puedan ser afayadizos pa l'actividá propuesta.

Nesta convocatoria establécense les bases y requisitos que van rexila, amás del procedimientu pa la selección de les actividaes o eventos con respetu a los principios de publicidá, concurrencia llibre y oxetividá.

## 2.- PUBLICACIÓN Y PUBLICIDAD.

Esta convocatoria y bases, amás de la resolución del procedimientu, van publicase na páxina web d'Asturies Cultura en Rede: [asturiesculturaenrede.es](http://asturiesculturaenrede.es) ensin perxuiciu de los medios complementarios de difusión que la SPXP quiera usar.

## 3.- SOLICITANTES.

Van poder participar nesta convocatoria les persones físiques o xurídiques qu'axunten estos requisitos:

- Tener la residencia fiscal n'Asturies.
- Desenvolver la so actividá principal n'ámbitu de la promoción de la música, l'arte, les artes escéniques y les artes audiovisuales y/o na realización d'eventos culturales o lliterarios o cualquiera rellacionada col oxetu de la convocatoria.
- Tar al corriente de les sos obligaciones tributaries col Estáu y cola Comunidá Autónoma del Principáu d'Asturies, amás de les obligaciones cola Seguridá Social.
- Tolos interesaos tienen de que tar daos d'alta na Seguridá Social y n'epígrafe correspondiente del Impuestu d'Actividaes Económiques y acreitar la solvencia técnica riquida primero de qu'empiecen les actividaes nel casu de que'l proyectu resulte escoyíu.

## 4.- CARACTERÍSTIQUES DE LOS PROYECTOS QUE PUEN PRESENTASE A ESTA CONVOCATORIA.

Les característiques qu'han tener les propuestas son estes:

**XÉNERU:** Los proyectos van poder tratar sobre cualquier disciplina artística y/o cultural, ente les que se puen destacar y ensin limitar a: Música, Circu, Teatru, Danza, Humor, Artes Escéniques, Cine, Lliteratura, Cultura Tradicional...

**PÚBLICU OXETIVU:** va valorase la singularidá del proyectu, la internacionalización del mesmu y la so capacidá p'atrayer públicu oxetivu de fuera de la rexón.

**TIPOLOXÍA:** Van tener acoyida toa clas d'actividaes, ente les que se citen por exemplu y ensin calter limitativu a festivales de música, festivales d'artes escéniques (teatru, danza, teatru de cai...), alcuentros profesionales, xornaes lliteraries, xornaes fotogrífiques... Nun tendríen entrada nesta convocatoria los eventos deportivos.

**SEDES:** Cualquiera de les sedes indicaes nel primer apartáu d'estes bases, pudiendo acoyer l'actividá en cualquiera de los sos munchos espacios. Nes propuestas que se presenten ha especificase la dotación de medios técnicos de que dispón el solicitante pa desenvolver l'actividá, amás de la indicación de la dotación técnica y medios humanos y técnicos de la SPXP que puidere precisar pal desenvolvimientu de l'actividá, cuestión ésta que se va valorar nel procesu de valoración de les solicitúes.

Nel casu de Llaboral Ciudá de la Cultura, ha tenese en cuenta la calificación singular del Edificiu, Bien d'Interés Cultural, polo qu'ha respetase tola normativa de proteccón qu'esta implica.

Nel casu del Centru de Recepcón y Interpretación del Prerrománicu Asturianu, ha tenese en cuenta la situación dientro d'una rodiada cultural protexida, polo qu'ha respetase tola normativa de proteccón qu'esta implica.

Toles propuestas han cumplir la llexislación vixente en materia de seguridad, la referida a prevención de riesgos llaborales y les midíes decretaes y vixentes en materia de seguridad y prevención del COVID-19 pa la celebración d'espectáculos o cualquier otra normativa que seya d'aplicación.

**NÚMBERU DE PROYECTU POR PROFESIONAL O ENTIDÁ:** El númberu final de proyectos a contratar va venir determináu pol presupuestu máximu disponible. El máximu de propuestas que se puen presentar a esta convocatoria por profesional o entidá ye de dos proyectos.

**MEDIOS TÉCNICOS Y HUMANOS:** Los profesionales o entidaes van apurrir los medios técnicos y humanos que seyan menester pal desenvolvimientu de l'actividá, amás del material funxible, técnicos, cachés, viaxes, equipos... por mentar dalgún y ensin limitase namás a ellos nel casu de precisalos.

**TEMPORALIDÁ Y FECHES:** Les actividaes han programase a partir del 15 d'abril del 2022 y han tener como fecha tope de finalización el 31 d'avientu del mesmu añu.

**PRESUPUESTU MÁXIMU POR PROYECTU:** Establezse un importe máximu por proyectu presentáu a esta convocatoria de 35.000 € (IVA incluyú); amás, la cantidá solicitada nunca va poder ser de más del 50 % del presupuestu total de la producción del eventu.

**DERECHOS D'EXHIBICIÓN:** El profesional o entidá ha cuntar cola autorización y asumir los derechos de propiedá intelectual pa exhibir o mostrar el proyectu que proponga; amás ha facese cargu de los derechos d'autor, reproducción o cualquiera que puidere derivase d'esta actividá.

## 5.- PRESENTACIÓN DE SOLICITÚES. DOCUMENTACIÓN QU'HA PRESENTASE.

Les solicitúes han presentase namás al traviés del corréu electrónicu [eventos@turismoycultura.asturias.es](mailto:eventos@turismoycultura.asturias.es)

Documentación qu'ha presentase:

- 1º. Impresu de solicitú, proyectu y presupuestu d'alcuerdu col modelu establecíu n'ANEXU I.
- 2º. Declaración responsable d'alcuerdu col modelu establecíu n'ANEXU II.
- 3º. Currículum del profesional o la entidá que presenta'l proyectu.
- 4º. Descripción pormenorizada de les necesidaes técniques y/o personales que se precisen (non apurrís pola entidá que se presenta a la convocatoria).

- 5°. Dossier y/o Semeya/es ilustrativa/es del proyectu.
- 6°. Enllaz a videu si se quier.
- 7°. Cualquier otru documentu, datu, proyectu o información qu'al presentador-y paeza interesante que se tenga en cuenta pa la so valoración.
- 8°. Plan de financiamientu y informe del retornu previstu.
- 9°. Declaración responsable del promotor relativa a la non presencia de conteníos esplicitamente racistes, sexistes o violentos nel so proyectu.

## 6.- PRESENTACIÓN DE SOLICITÚES. SITIU Y FORMA DE PRESENTACIÓN.

Les solicitúes, compuestas pol formulariu oficial según modelu del ANEXU I y la demás documentación riquío n'apartáu 5 d'estes bases, han presentase rellenaes convenientemente a les señes de corréu electrónicu [eventos@turismoycultura.asturias.es](mailto:eventos@turismoycultura.asturias.es), nun únicu archivu PDF, preferiblemente nun archivu comprimíu (ZIP o RAR), y tamién preferible al traviés de sistema d'enllaz de descarga esternu (Dropbox, Google Drive, Wetransfer, etc). El títulu del asuntu ha ser "Convocatoria Programa de Patrocinios de festivales, eventos musicales, artes escéniques y/o culturales de singular interés, relevancia y esclusividá", siguiú del nome del solicitante.

En casu de cualquier dulda o consulta tocante a la información o documentación qu'hai que presentar, puen contactar al traviés de la direcció de corréu electrónicu [eventos@turismoycultura.asturias.es](mailto:eventos@turismoycultura.asturias.es) o nel teléfonu 985 185 858 (Departamentu de Xestión d'Espacios).

Namás van valorase les solicitúes completes, acompañaes de tola documentación esixío na convocatoria. Cuando la solicitú o dalgún de los documentos axuntaos a ella tengan dalguna información incompleta va riquise al interesáu/ada pa que, nun plazu de 10 díes (dientro del plazu tope indicáu), subsane esa información, con indicación de que si nun lo fixere va dase por desestimada la so solicitú pa la convocatoria.

La hora y fecha tope de presentación de les solicitúes van ser les **14:00 h. del día 15 de marzu del 2022**. Toles solicitúes unviaes en plazu van recibir un acuse de recibu nel plazu de 72 hores posterior a la so recepció.

## 7.- VALORACIÓN DE LOS PROYECTOS Y CATALOGACIÓN.

Pa la valoración de los proyectos o propuestas presentaes va constituyise una Comisión de Valoración que va ser l'órganu colexáu encargáu de valorar les solicitúes d'alcuertu colos criterios afitaos nestes bases.

La Comisión de Valoración va tar integrada por:

- La Xefa del Área de Xestión d'Espacios de Llaboral Ciudá de la Cultura, en calidá de Presidenta.
- La Xefa del Área de Coordinación d'Equipamientos de la SPXP, que va actuar como Secretaria de la Comisión, con voz y votu.
- Un responsable de cada sede que reciba polo menos una propuesta, en calidá de vocal.

- El Coordinador Cultural del Serviciu de Promoción Cultural, Archivos, Museos y Biblioteques de la Dirección Xeneral de Cultura y Patrimoniu del Principáu d'Asturies, en calidá de vocal.
- El Director Técnico del Teatru de la Llaboral, en calidá de vocal.

La Comisión de Valoración va tar constituyida válidamente cuando s'atopen presentes más de la metá de los sos integrantes con derechu a votu. Los sos alcuerdos van adoptase por mayoría simple de los sos miembros. En casu d'empate, va corresponder a la Presidenta dirimir col so votu'l resultáu de la votación.

La Comisión va poder solicitar de los interesaos cuantes aclaraciones, información o documentación complementario seya menester pa la valoración correcta de los proyectos.

La resolución va facese, y va comunicase a los interesaos, primero del 22 de marzu del 2022 y va publicase na web d'Asturies Cultura en Rede: [asturiesculturaenrede.es](http://asturiesculturaenrede.es)

**Criterios de valoración.** La Comisión de Valoración va poder proponer la esclusión d'aquelles solicitúes que nun cumplan colos requisitos de participación. Les demás solicitúes van valorase d'alcuerdu con estos criterios:

**1. Interés cultural y/o artísticu del proyectu, hasta 45 puntos.**

Van valorase la calidá, orixinalidá, calter y repercusión pública del proyectu y la busca de variedá de públicos. Igualmente, la relevancia, proyección nacional y internacional y el grau de satisfacción d'asistentes y usuarios nel casu de proyectos yá existentes.

Va tenese en consideranza'l grau d'elaboración, detalle y concreción de la propuesta, amás de la so proyección, valorando positivamente los premios recibíos en convocatories d'alministraciones públiques y de los sos organismos públicos vinculaos o dependientes.

**2. Fomentu de la igualdá y la diversidá, hasta 5 puntos.**

Van considerase aquellos proyectos que fomenten la igualdá y/o tean impulsaos o participaos por muyeres.

**3. Trayectoria, esperiencia y formación de los profesionales y entidaes, hasta 25 puntos**

Va valorase la esperiencia y trayectoria de los profesionales y entidaes nel desenvolvimientu d'actividaes culturales y del fomentu de les distintes artes n'equipamientos culturales, amás de la so formación en disciplines relacionaes col oxetu del proyectu.

**4. Viabilidad técnica, económica y rigor presupuestariu, hasta 20 puntos**

Va ser oxetu de valoración l'adecuación del presupuestu al númberu de trabayadores involucraos, les empreses y colectivos participantes y los medios que s'apurren.

## 5. Difusión y usu del asturianu y del eonaviegu o gallego-asturianu, hasta 5 puntos.

Van valorase aquellos proyectos qu'ayuden a la difusión de la llingua asturiana y l'eonaviegu o gallego-asturianu, bien usándolos nos soportes de difusión o bien nel desenvolvimientu del propiu proyectu, teniendo en cuenta la corrección llingüística y el so calter normalizador.

Desque se valoren tolos proyectos, la Comisión de Valoración va emitir un informe cola valoración de los proyectos onde se va proponer el númberu máximu d'actividaes que se van patrocinar.

## 8.- DOCUMENTACIÓN QU'HA PRESENTASE POLOS PROYECTOS ESCOYÍOS.

Los escoyíos han presentar nel plazu máximu de 10 díes naturales esta documentación:

- a) Documentos qu'acréiten la personalidá del solicitante. Si'l solicitante fore persona xurídica ha acreitalo presentando la escritura de constitución o modificación, nel so casu, inscrita convenientemente nel Rexistru Mercantil cuando esti requisitu s'esixa según la llexislación mercantil aplicable. Si esi requisitu nun fore esixible, la capacidá d'obrar ha realizase cola escritura o documentu de constitución, estatutos o acta fundacional, onde consten les normes poles que se regula la so actividá, inscritos, nel so casu, nel Rexistru Oficial correspondiente. Pa los empresarios individuales y les persones físiques va ser obligatoria la presentación de la fotocopia llexitimada notarialmente o compulsada del DNI o documentu que, nel so casu, lu sustituya reglamentariamente.
- b) Documentos qu'acréiten, nel so casu, la representación. Los que comparezan o firmen ufiertes en nome d'otru han presentar Documentu Nacional d'Identidá y poder. Esi poder ha figurar inscrite nel Rexistru Mercantil o, nel so casu, nel Rexistru Oficial correspondiente. Si se trata d'un poder p'actu concretu nun ye menester la inscripción nel Rexistru Mercantil, d'alcuertu col artículu 94.5 del Reglamentu del Rexistru Mercantil.
- c) Acreitación de tar al corriente d'obligaciones tributaries y cola Seguridá Social:
  - Impuestu sobre Actividaes Económiques: Alta nun epígrafe rellacionáu col oxetu de la convocatoria referida al exerciciu corriente, o últimu recibu, xunto a una declaración de nun tar dau de baxa na matrícula del impuestu mentáu, o bien certificáu de situación al respective d'esi impuestu emitíu pola Axencia Tributaria.
  - Certificación positiva acreitativa de tar al corriente de les obligaciones tributaries col Estáu espida pola Axencia Estatal de l'Alministración Tributaria.
  - Certificación positiva del Ente Públicu de Servicios Tributarios del Principáu d'Asturies acreitativa de tar al corriente de les obligaciones tributaries col Principáu d'Asturies.

- Certificación positiva de tar al corriente de les obligaciones cola Seguridá Social espida pola Tesorería Xeneral de la Seguridá Social.

Les solicitúes que, siendo propuestas pa realizar el so proyectu, nun acreiten dentro del plazu establecíu'l cumplimientu de les obligaciones riquies o nun presenten la documentación en plazu, van poder refugase.

## 9.- FORMALIZACIÓN DE LOS CONTRATOS.

Desque acreitaos los requisitos de participación, van formalizase los contratos correspondientes. El plazu pa la formalización d'estos contratos va ser de 7 díes naturales a cuntar de magar acabe'l plazu pa la presentación de la documentación a lo que fai referencia l'apartáu anterior. El trescurso d'esi plazu ensin que llegue a formalizase'l contratu por causes imputables al solicitante va provocar la caducidá de la solicitú, la perda de los derechos que pudieren corresponde-y y la exclusión del so proyectu del catálogu.

## 10.- OBLIGACIONES DE LOS PROYECTOS ESCOYÍOS.

En casu de resultar escoyida la so propuesta, los profesionales comprométense a:

- Llevar a cabu'l proyectu nes feches, hores y términos conveníos.
- Desenvolver y asumir un plan de promoción y comunicación específicu pal espardimientu de l'actividá.
- Poner a disposición de la SPXP el material gráfico y audiovisual al so algame como sofitu, nel so casu, pa la promoción y difusión del eventu.
- Espublizar al traviés de los sos medios información sobre l'actividá (web, redes sociales, mailing, etc.) y colaborar cola SPXP na atención a los medios de comunicación en casu de que seya menester.
- Aceptar l'usu del nome del profesional, asociación y/o empresa p'acciones promocionales o de comunicación del proyectu.
- Disponer de los derechos d'autor pertinentes pa poder llevar a cabu'l proyectu.
- Completar un dossier de cada proyectu que va ser facilitáu a la SPXP primero d'un mes d'acabar toles actividaes cola mira d'axuntar datos relativos a la participación, perfiles de públicu, criterios organizativos, desenvolvimientu, satisfacción de l'actividá, etc. L'oxetivu ye incorporar la información a una memoria final d'evaluación del proyectu.
- Presentar el protocolu y plan de continxencia pa la prevención COVID-19 o la normativa en vigor a la fecha de celebración del eventu.
- Presentar la documentación que resulte d'aplicación según la llexislación vixente en materia de seguridad llaboral y prevención de riesgos llaborales.
- Nel supuestu de ser un eventu con actividaes de venta al públicu, la SPXP ha tener accesu a tola información relativa a la venta, númeru de localidaes puestas a la venta, comisiones, procedencies, entraes vendíes, política de cancelaciones y/o devoluciones o cualquier otru datu que pudiere resultar d'interés pa la Sociedá.

- Al respective de la producción de materiales, el costu de les rotulaciones, grabaciones o asimilaos, amás de la confección y establecimientu de los soportes publicitarios que seyan menester pa llevar a cabu cualquiera de les acciones promocionales oxetu d'esti contratu, amás de los costos derivaos de les carpes, espacios acutaos, etc. mentaos enantes, van ser por cuenta y cargu esclusivu del patrocináu.

## 11.- CARACTERÍSTIQUES DEL PATROCINIU

El patrocináu, na so condición d'entidá productora y organizadora del festival/eventu patrocináu, obligase a facer publicidá de la imaxe del Gobiernu del Principáu d'Asturies, d'Asturies Paraísu Natural o Asturias Cultura en Rede y de la sede correspondiente al traviés d'estos medios:

- Presencia destacada de los logotipos como patrocinadores nestos soportes:
  - Na páxina web del festival/eventu.
  - Nos perfiles activos de les redes sociales (Facebook, Twitter, Instagram, etc.)
  - Nel Photocall, plotter y pancartes de fondu de les ruedas de prensa y actos que s'entamen, amás de na papelería usao pa notes y comunicaos de prensa.
  - En toles publicaciones que s'editen por cuenta de les actividaes nes que participe.
  - Nos anuncios de prensa y demás eventos de comunicación que se faigan del proyectu en cualquier mediu de comunicación.
  - Nos casos nos que namás pueda apaecer un anagrama, ha usase'l del Gobiernu del Principáu d'Asturies.
- Participación d'un representante de la Sociedá Pública de Xestión y Promoción Turística y Cultural del Principáu d'Asturies, SAU (d'equí p'arriba n'adelantre SPXP) nos actos de presentación que s'entamen.
- Mención del patrociniu baxo la/les marca/ques que la SPXP determine en cuantos comunicaos de prensa pueda emitir al respective del festival/eventu.



Queda prohibíu espresamente y asina lo ha aceptar el patrocináu, incluyir nos elementos que valgan de soporte publicitariu o de patrocinu al festival/eventu, cualquier clas de publicidá de cualquier patrocinador qu'atente como publicidá negativa al conceptu y imaxe de la SPXP. Amás, ha comunicar a la SPXP previamente la publicidá d'otros patrocinadores que se vaigan incluyir.

## **12.- ACEPTACIÓN DE LES BASES.**

La presentación d'un proyectu a esta convocatoria supón l'aceptación automática y completa d'estes bases.

**ANEXU I:**

DATOS FISCALES Y CONTACTU	
Datos fiscales (Nome fiscal, dirección postal y CIF)	
Datos de contactu (nome, teléfonu, corréu electrónicu y redes sociales)	

DATOS DEL PROYECTU	
Denominación del Proyeutu	
Temática/Disciplina	
Clas d'actividá ( <i>Festival, Eventu singular, Muestra, Actividaes de cai...</i> )	
Sinopsis del proyeutu (va valorase la inclusión de dossier o desenvolvimientu ampliáu del proyeutu)	
Autoría / Dirección / Comisariáu	
Llingua	
Espaciu preferente de celebración	
RRHH previstos involucraos nel proyeutu (Número y perfiles)	
Públicu oxetivu (adulto, familiar, xuvenil, infantil... )	
Cronograma de duración y feches previstes	
Espectativa de públicu	
Previsión de procedencies	
Aforu máximu aconsejáu	

DATOS ECONÓMICOS IMPUESTOS NON INCLUYÍOS	
Presupuestu por eventu completu	€

OTROS	
Información adicional / Observaciones	

## ANEXU II

### DECLARACIÓN RESPONSABLE

D./D<sup>a</sup>. .....con NIF n.º.....

En nome propiu

En representación de la empresa .....con NIF  
n.º ..... en calidá de .....

Al respective de la solicitú de participación na convocatoria pa la selecció de propuestas pal patrociniu de festivales y eventos culturales de singular interés, relevancia, exclusividá y peculiaridá y la so programación posterior n'equipamientos culturales del Principáu d'Asturies, **DECLARA BAXO LA SO RESPONSABILIDÁ que:**

1.- S'atopa en situación d'alta nel Impuestu d'Actividaes Económiques (IAE), baxo l'epígrafe \_\_\_\_\_ correspondiente a \_\_\_\_\_.

2.- Nun ta incursu nes prohibiciones pa contratar previstes n'artículu 71 de la Llei 9/2017, de 8 de payares, de Contratos del Sector Públicu y atópase al corriente del cumplimientu de les obligaciones tributaries col Estáu y cola Comunidá Autónoma del Principáu d'Asturies y de les obligaciones cola Seguridá Social, impuestos poles disposiciones vixentes.

3.- Ostenta la titularidá de los derechos d'esplotación del proyectu artísticu que presenta a la convocatoria.

Y pa qu'asina conste y surta los sos efectos énte la Sociedá Pública de Xestión y Promoción Turística y Cultural del Principáu d'Asturies, SAU, firma esta solicitú y declaración responsable.

En \_\_\_\_\_ a \_\_\_\_ de \_\_\_\_\_ del 2022

Fmao. \_\_\_\_\_

*(firma del solicitante o representante llegal)*